

## Cofnodion Cyfarfod yr 1af Fai 2018

**Yn bresennol :-** Y Cadeirydd **Idris Thomas** a'r Cynghorwyr, Phyllis Ellis, Aled Green, Richard Ll. Jones, Rhian Evans-Hill, Jane Pierce, Gareth Wyn Griffiths, Emma Chappell, Martin Davies, Elfed Wyn Williams, R. Hefin Williams. Croesawyd Y Cynghorydd Elwyn Jones.

Er fod gwahoddiad wedi ei at Y Cynghorydd Craig ab Iago i ymuno a ni yn y cyfarfod i drafod materion ynglyn a'r Clybiau Ieuenctid, ni chafwyd ymateb o fath yn y byd.

**Gwedd:** Offrymwyd gair o weddi gan Richard Ll. Jones.

**1. Ymddiheuriadau.** Gwawr Wyn Roberts

**2. Datgan buddiant.** Dim

**3. Dewis Swyddogion am y flwyddyn**

Cynigiwyd fod Y Cynghorydd Idris Thomas yn eistedd am yr ail flwyddyn. Cytunodd Idris i gadeirio am yr ail flwyddyn.

Penodwyd Gareth Wyn Griffiths yn is gadeirydd am y flwyddyn.

Gyda y Cynghorydd Idris Thomas yn cadeirio, aethpwyd ymlaen i drafod gweddill yr agenda.

### **4. Polisiau**

**Polisi Risg** – Y Polisi yn nodi ein bod i archwilio yn dymhorol llochesi bws a meinciau o ran diogelwch. Penderfynwyd gofyn i KM i asesu y meinciau, a DW, Cyngor Gwynedd i asesu y llochesi bws. Cytunwyd fod angen darllen hwn yn fwy trwyadl a gweld beth yw yr ysweiriant sydd ganddom, ac yna ei drafod ymhellach fis nesaf.

**Polisi Ariannol** – Angen ychwanegu "paratoi cyllideb er mwyn pennu y praesept blynyddol" a bydd Y cyngor yn trafod gwariant a derbyniadau yn erbyn y gyllideb yn chwarterol.

**Rheolau Sefydlog** – Dim Newid

**Cytundeb Cyflogaeth** – Ni thrafodwyd y cytundeb yma

**Polisi a Canllawiau'r Cyngor** – Newid Rhif 9 i " Gosod Cyllideb blynyddol, er mwyn pennu praesept, a dilyn y gyllideb yn chwarterol er mwyn sicrhau fod dim gorwariant".

Newid Rhif 11 i – "Unai atgyweirio neu cael gwared a'r meinciau, dibynu ar y gôst.

Atgyweirio neu gwneud cysgodfannau bws yn ddiogel. – dibynnu ar y gôst."

**Polisi Cyfryngau Cymdeithasol** – Nodwyd fod angen darllen hwn yn achlysurol er mwyn atgoffa ein hunain o'r polisi a chydymffurfiaeth.

### **5. Seddi Gwâg**

Mae 3 sedd wâg yn Y Cyngor sef, un ym Methel, Dinorwig a Deiniolen. Mae y ddwy sedd olaf wedi bod yn wâg ers cryn amser, ac er fod hysbyseb wedi bod yn y papur Bro, nid oes neb wedi dod ymlaen. Bydd hysbyseb am sedd Bethel yn y papur Bro mis yma ac fis nesaf. Yna, awn ymlaen i gyfethol.

## 6.Cofnodion Cyfarfod 10fed Ebrill 2018

Camgymeriad bach mai tŷ nid Fferm yw Penysarn.

Fel arall, derbyniwyd y cofnodion fel rhai cywir.

## 7. Materion o'r cofnodion

**CCG** – Er gyrru llythyr arall i'r cwmni ynglyn a parcio Bro Elidir, Dinorwig a Trem Eilian, Brynrefail, nid oes ymateb wedi dod unwaith eto. Awgrymwyd cysylltu a CCG yn gofyn am copi o'u polisi cwynion, a datgan ein bod yn ceisio cael ymateb a datrusiad i broblemau parcio yn yr ardaloedd hyn. Ac yn methu cael ateb gan neb yn CCG. Os na chawn ymateb wedyn, yna cawn ddilyn eu polisi nhw i gŵyno.

**Dŵr yn codi ger Ty'r Ysgol, Rhiwlas**– Derbyniwyd llythyr gan Priffyrdd Cyngor Gwynedd, sydd wedi bod yn edrych i'r broblem, ond nid oes dim yn amlwg. Efallai mai contractwyr Bt sydd wedi denu dŵr yno, ond ni ellid fod yn sicr o hynny, gan mai yn ôl Cyngor Gwynedd eu bod yn datgan fod yno broblem Natur Gwlyb o gwmpas y Tiroedd yn Rhiwlas. Felly maent yn bwriadu gosod pibellau o dan arwyneb y ffordd i arwain y dŵr i mewn i'r system traenio dŵr arwyneb bresennol, chan obeithio cwblhau y gwaith cyn y gaeaf nesaf.

**Tyllau ar lon allt Rhiwlas**, - Arolygwr ffyrdd am archwilio'r lon a gweithredu fel bod angen.

**Ffordd Cae Hywel** – Arolygwr ffyrdd yn ymweld oes angen tocio, ac am yrru neu drefnu ymhellach i'r ymweliad.

**Amcanbris Meinciau** – Cafwyd amcanbris o £50 i atgyweirio y fainc ym Mrynrefail, ac yn anffodus, nid oes posib atgyweirio mainc Penysarn. Cytunwyd i atgyweirio un Brynrefail.

## 8. Gohebiaeth a materion eraill

**Ysweiriant** – Derbyniwyd llythyr i adnewyddu y polisi ysweiriant. Penderfynnwyd fod angen adolygu I weld os yw y polisi cywir ganddom. Cytunodd Gareth Wyn Griffiths i edrych ar ofynnion ysweiriant y cyngor..

**Ceisiadau Nawdd Ariannol** - Derbyniwyd dau gais eleni am nawdd ariannol i gludo plant I gystadlu yn Eisteddfod yr Urdd yn Llanellwedd ddiwedd mai. Bydd parti Cerdd Dant Lleisiau Llanbabs yn cystadlu ar ddydd Mercher, a bydd Parti Llefaru Adran Bethel hefyd yn cystadlu ar y dydd Mercher. Penderfynwyd rhoi £150 yr un i'r ddau grŵp, gyda'n dymuniadau gorau iddynt yn yr Eisteddfod.

## 9. Cynllunio

### **Ceisiadau a dderbyniwyd yn ystod y mis:**

**Ty Ni, Gallt y Foel** – Cais i ddileu cytundeb 106 oddi wrth caniatad cynllunio er mwyn diddymu'r angen i gadw'r ty yn fforddiadwy'n barhaol.

**Caeau Uchaf, Deiniolen** – Estyniad i'r tŷ presennol, ymestyn y cwrtill, adnewyddu adeilad allannol ynghyd a gosod offer trin carthion.

**Blaen y Waen, Deiniolen** – Gosod llinell drydan (cais ôl weithredol).

**Helen Villa, Clwt y Bont** – Creu mynedfa newydd ynghyd a llucynnau parcio.

**Hen Lyfrgell Deiniolen** – Codi tŷ deulawr a gwelliannau i'r mynedfa bresennol.

## 10. Llythyr Penrhyn

Derbyniwyd llythyr gan Ieuan Wyn ar ran Pwyllgor Ymgyrch Tai a Chynllunio Gwynedd a Môn, yn trafod Cynllunio â'r Gymraeg. Gan fod y Cynllun Datblygu Lleol wedi ei fabwysiadu, awgrymwyd ein bod yn ymwybodol o'r tai a fwriedir ar eu cyfer yn ein

cymunedau. Penderfynwyd gyrru at Rheolwr Cynllunio Polisi, Deilydd Portffolio Tai Cyngor Gwynedd ac Arfon Hughes, Hwylusydd Tai Gwledig Gwynedd i gael gwybodaeth a chrynhoi ffeithiau allweddol cyn i geisiadau cynllunio gael eu cyflwyno.

## **11. GDPR**

Ar Fai 25ain, bydd polisi newydd Datgelu Data yn dod i rym. Mae llawer o sôn am hyn, ac yn sgil y newidiadau sydd angen i'r Cyngor Cymuned ei wneud, penderfynwyd sefydlu Grŵp i ymdrin a materion a chreu Polisi Data. Bydd Gareth Wyn Griffiths, Emma Chappell, Rhian Evans- Hill a'r clerc yn gweithio ar hwn dros yr wythnosau nesaf.

## **12,. O Gwmpas Y Bwrdd**

**Deiniolen** – Mae Cychod Blodau wedi cael eu gosod o flaen y tai yn Stryd Faenol i geisio harddu dipyn ar yr ardal. Fodd bynnag, mae angen caniatad gan CCG iddynt aros yno. Y clerc i ysgrifennu at CCG yn gofyn caniatad.

**Blwch Post Stryd Faenol** – Amser codi y post yn 9:00 y bore. Mae hyn yn anerbyniol. Mae angen ysgrifennu at y Swyddfa Bost yn gofyn iddynt oes posib newid i 4 neu 5 y prynhawn.

**Penisarwaun** – Llwybr Cerrig Gwynion. Mae Coeden wedi disgyn ar y llwybr, ac mae angen cysylltu a Chyngor Gwynedd i'w hysbysu, gan ei bod yn beryglus ac angen ei symyd o ran diogelwch.

**Brynrefail** – Mae y ffrâm amserlen bws ar y lloches bws wedi ei fandaleiddio. Mae'r Cyngor eisioes wedi gorfod peintio un ochor gan fod yna luniau anwedus wedi eu peintio yno. Gofynir yn garedig i drigolion gymeryd gofal o'r lloches acil hysbysu yr heddlu os gwelir cam ddefnyddio ohoni.